




Bosnia and Herzegovina  
Federation of Bosnia and Herzegovina  
CANTON SARAJEVO  
Institute for Construction of Canton Sarajevo

Broj: 03-45-4012/23  
Sarajevo, 19.04.2023. godine

KANTON SARAJEVO  
Grad Sarajevo  
Hamdije Kreševljakovića 3  
71 000 Sarajevo



**Predmet: Ugovor „Izgradnja mreže za odvodnju fekalnih voda objekta lociranog uz dolaznu stanicu Trebevičke žičare“, Grad Sarajevo, broj ugovora: 01/14-11-5243-2/22 od 06.09.2022. godine.**

Poštovani,



U vezi Vašeg dopisa br. 09-04-1951-2/23 od 12.04.2023. godine daje se mišljenje kako je dalje navedeno. Prilikom izvođenja radova na polaganju kolektora i postavljanju šahtova, došlo je do povećanja potrebnih količina asfalta i tampona u odnosu na količine predviđene projektom, između ostalog i zbog lošeg zatečenog stanja saobraćajnice. Projektom je predviđena popravka asfaltnog kolovoza na mjestima gdje je saobraćajnica raskopana, na tucanički nasip od 35 cm, odnosno dovodenje u prvobitno stanje. Zatečeno stanje asfalta na trasi kolektora, uočeno prije početka izvođenja radova: asfaltne površine u jako lošem stanju, potpuna istrošenost asfalta na pojedinim dionicama, uočena su oštećenja zbog nedovoljne debljine asfaltnog sloja, devastacija usljed starosti, denivelacija u profilu, ulegnuća, predhodna prokopavanja i sl..


Dana 31.03.2023. godine izvršen je zajednički izlazak na teren kojem su prisustvovali predstavnici investitora (Amir Pandžo dipl.ing.saob.) projektant (HP Hidroprojekt), izvođač (Dejan Jovović, dipl.ing.građ) sa geometrima i nadzora (Amela Đogić, dipl.ing.građ.). Tom prilikom izvršen je obilazak trase i zajednički je određen minimalno potrebni obim sanacije saobraćajnice, istovremeno je izvršeno geodetsko snimanje površine predviđene za sanaciju. Prema uslovima na terenu na pojedinim dionicama predviđena je sanacija asfalta i zamjena tamponskog sloja u punoj širini profila, što nije predviđeno projektom, na dionicama saobraćajnice gdje je moguće predviđena je sanacija u širini rova – prema projektu. Izvođač je dostavio geodetski snimak prema kojem je ukupna površina potrebnog asfalta 5453,0 m<sup>2</sup>, dok je ugovorom predviđeno 1807,0 m<sup>2</sup> asfalta. Prema geodetskom snimku potrebna količina tampona je 1306,55 m<sup>3</sup>, za debljinu nosivog sloja od 35 cm, a ugovoreno je 633,0 m<sup>3</sup> tampona. Nadzor ne osporava dostavljeni geodetski snimak, kao ni iskazane količine.

Prema uslovima na terenu, zatečenom stanju, neminovnih oštećenja nastalih usljed izvođenja radova (teška mehanizacija, vibracijski čekići za razbijanje stijena u rovu, kamioni i ostalo) povećanje količina asfalta i tampona su očekivane. (slike)

Posebno naglašavam da pored značajnog povećanja potrebnih količina asfalta i tamponskog sloja, dio saobraćajnice ostaje u izuzetno lošem stanju (pukotine, istrošenost, denivelacija, rupe...) zbog čega se, sa aspekta struke, predlaže sanacija asfalta u punoj širini i dužini saobraćajnice, te propisna zamjena tamponskog sloja. Obzirom na gore navedeno predlaže se investitoru da analizira opravdanost djelimične sanacije saobraćajnice.

S poštovanjem!





**Pripremila:**

Amela Đogić, dipl.ing.građ.

*Amela Đogić*

**Kontrolisao:**

Pomoćnik direktora:

Mirsad Okerić, dipl.ing.građ.

*Mirsad Okerić*

Direktor:  
Belma Barlović, dipl.ing.arh.




GRAD SARAJEVO  
Hamdije Kreševljakovića 3

KABINET GRADONAČELNICE

Gradska služba za urbano planiranje, investicijske, stambene i komunalne poslove

Datum: 31.05.2023. godine

Broj protokola: 95-1.1.22.38-05/23



**Predmet: Izjašnjenje Izvođača radova na temu asfaltiranja prokopanih površina**

Poštovani,

Kao Izvođač radova na projektu „Izgradnja mreže za odvodnju fekalnih otpadnih voda objekta koji je lociran uz dolaznu stanicu Trebevičke žičare“, prema ugovoru broj 121-4.2.1.-09/22 i odobrenju za građenje broj UP-I-05-19-3851/22-JJ dana 19.05.2023. godine prisustvovali smo sastanku sa predstavnicima Investitora i Nadzora na temu asfaltiranja prokopanih površina. (Zapisnik u prilogu br.1)

Sastanak je održan zbog povećanja količina asfalta i tampona koje su konstatovane prilikom terenskog obilaska i geodetskog snimka površina od 04.04.2023. godine.

Prilikom izvođenja radova na „Izgradnja mreže za odvodnju fekalnih otpadnih voda objekta koji je lociran uz dolaznu stanicu Trebevičke žičare“ konstatovano je izuzetno loše stanje postojećeg asfalta, u smislu debljine asfaltnog sloja i kvaliteta asfalta.

Uzimajući u obzir iskop rova u stijenskom materijalu V i VI kategorije Izvođač radova je prilagodio tehnologiju izvođenja stanju na terenu uz korištenje neophodne građevinske mehanizacije.

Iskop u stijenskom materijalu i kretanje mehanizacije doveo je do povećanja količina asfalta, što je Izvođač radova evidentirao i napomenuo kroz građevinski dnevnik u više navrata. (prilog br.2)

Paralelno sa projektom izgradnje kanalizacione mreže započeti su radovi na projektu asfaltiranja Apelove ceste koji je finasiran od strane Direkcije za ceste Kantona Sarajevo i Općine Stari Grad.

Za predmetne radove na asfaltiranju Apelove ceste korištena je teška mehanizacija koja je saobraćala dijelom trase fekalnog kolektora, te prouzrokovala dodatna oštećenja postjećeg asfalta.

Uzimajući u obzir navedene činjenice i predloge sa sastanka Investitora, Nadzora i Izvođača, molim Vas da nam date instrukcije za izvođenje radova na asfaltiranju saobraćajnice u okviru projekta „Izgradnja mreže za odvodnju fekalnih otpadnih voda objekta koji je lociran uz dolaznu stanicu Trebevičke žičare“



„MIBRAL“ d.o.o Sarajevo  
*Dejan Jovović*  
Dejan Jovović dipl.ing.građ.